



Broj: 01-02.2-1517-18/26- IO

Datum: 14. 8. 2026. godine

Na osnovu člana 70. stav 3. Zakona o javnim nabavkama ("Službeni glasnik BiH", br.:39/14, 59/22 i 50/24), Obavještenja o nabavci broj: 260-1-2-41-3-80/26 objavljeno na Portalu javnih nabavki dana 5.3.2026.godine, u otvorenom postupku javne nabavke usluga: Projektiranje - Izrada glavnog projekta: Rekonstrukcija raskrsnice magistralne ceste M5\_013 i lokalne ceste, km 18+330, naselje Torlakovac, općina D. Vakuf, na preporuku Komisije za provođenje postupka javne nabavke, Uprava JP Cesta Federacije BiH d.o.o. Sarajevo d o n o s i

## O D L U K U

### I

Najpovoljniji ponuđač u otvorenom postupku javne usluga: Projektiranje – Izrada glavnog projekta: Rekonstrukcija raskrsnice magistralne ceste M5\_013 i lokalne ceste, km 18+330, naselje Torlakovac, općina D.Vakuf je **PPG d.o.o. Sarajevo**.

### II

Izabrani ponuđač iz tačke I ove odluke dužan je u skladu sa zahtjevima iz tenderske dokumentacije dostaviti originale ili ovjerene fotokopije dokumenata iz člana 45. stav (2) Zakona o javnim nabavkama, kao i dokumentaciju zahtijevanu tenderskom dokumentacijom kao uslov za zaključivanje ugovora. Ukoliko izabrani ponuđač ne dostavi traženu dokumentaciju, u određenom roku, ugovor će biti dodijeljen drugorangiranom ponuđaču, u skladu s članom 72. stav (3) Zakona o javnim nabavkama.

### III

Ova odluka će se objaviti na web stranici JP Ceste Federacije BiH d.o.o. Sarajevo, istovremeno s upućivanjem ponuditeljima koji su učestvovali u postupku javne nabave sukladno članu 70. stav (6) Zakona o javnim nabavama.

## O b r a z l o ž e n j e

Na osnovu Obavještenja o nabavci broj: 260-1-2-41-3-80/26 objavljeno na Portalu javnih nabavki dana 5.3.2026.godine, proveden je otvoreni postupak javne nabavke usluga: Projektiranje - Izrada glavnog projekta: Rekonstrukcija raskrsnice magistralne ceste M5\_013 i lokalne ceste, km 18+330, naselje Torlakovac, općina D. Vakuf.

Do utvrđenog roka za prijem ponuda, dana 27.03.2026. godine do 12:00 sati, dostavljeno je 5 (pet) ponuda. Ponude su otvorene istog dana u 12,15 sati.

| R. Br. | Naziv ponuđača            | Cijena ponude bez PDV-a, KM | Ponuden i popust (% ili KM) | Cijena ponude s popustom (bez PDV-a), KM | Cijena ponude s popustom (s PDV-a), KM |
|--------|---------------------------|-----------------------------|-----------------------------|------------------------------------------|----------------------------------------|
| 1.     | PPG d.o.o. Sarajevo       | 6.249,60                    | /                           | 6.249,60                                 | 7.312,03                               |
| 2.     | ROUTING d.o.o. Banja Luka | 7.880,00                    | /                           | 7.880,00                                 | 9.219,60                               |
| 3.     | IG d.o.o. Banja Luka      | 7.897,50                    | /                           | 7.897,50                                 | 9.240,07                               |
| 4.     | RADIS d.o.o. I. Sarajevo  | 7.600,00                    | /                           | 7.600,00                                 | 8.892,00                               |

|    |                           |          |   |          |          |
|----|---------------------------|----------|---|----------|----------|
| 5. | ARTING BH d.o.o. Sarajevo | 8.181,00 | / | 8.181,00 | 9.571,77 |
|----|---------------------------|----------|---|----------|----------|

Komisija je, u skladu s Tenderskom dokumentacijom, pregledala ponude s aspekta kompletnosti i kvalificiranosti, te utvrdila da su pristigle ponude kompletne, zadovoljavaju tražene kriterije u tenderskoj dokumentaciji i u okviru budžeta.

Izvršena je računska kontrola ponuđenih cijena i ustanovljeno je da nema računskih greški.

Komisija je nakon analize ponuda formirala listu ponuđača:

| R. Br. | Naziv ponuđača                | Cijena ponude bez PDV-a, KM | Ponuden i popust (% ili KM) | Cijena ponude s popustom (bez PDV-a), KM | Cijena ponude s popustom (s PDV-a), KM |
|--------|-------------------------------|-----------------------------|-----------------------------|------------------------------------------|----------------------------------------|
| 1.     | PPG d.o.o. Sarajevo           | 6.249,60                    | /                           | 6.249,60                                 | 7.312,03                               |
| 2.     | RADIS d.o.o. Istočno Sarajevo | 7.600,00                    | /                           | 7.600,00                                 | 8.892,00                               |
| 3.     | ROUTING d.o.o. Banja Luka     | 7.880,00                    | /                           | 7.880,00                                 | 9.219,60                               |
| 4.     | IG d.o.o. Banja Luka          | 7.897,50                    | /                           | 7.897,50                                 | 9.240,07                               |
| 5.     | ARTING BH d.o.o. Sarajevo     | 8.181,00                    | /                           | 8.181,00                                 | 9.571,77                               |

Na temelju naprijed navedenog, Komisija je dala preporuku Upravi da ugovor za nabavku usluga: Projektiranje – Izrada glavnog projekta: Rekonstrukcija raskrsnice magistralne ceste M5\_013 i lokalne ceste, km 18+330, naselje Torlakovac, općina D.Vakuf dodijeli ponuđaču PPG d.o.o. Sarajevo koji je dostavio prihvatljivu ponudu s najnižom cijenom u iznosu od 6.249,60 KM bez uračunatog PDV-a, odnosno 7.312,03 KM s uračunatim PDV-om, te je donijeta odluka o dodjeli ugovora ponuđaču PPG d.o.o. Sarajevo broj:01-02.2-1517-6/26-NJ od 30.04.2026.godine.

Nezadovoljni navedenom odlukom ponuđač RADIS d.o.o. Istočno Sarajevo, podnosi žalbu.

Postupajući u skladu sa ZJN Ugovorni organ je obustavio postupak do donošenja rješenja Ureda za razmatranje žalbi BiH (URŽ) po predmetnoj žalbi.

Ured za razmatranje žalbi BiH rješavajući po žalbi RADIS d.o.o. Istočno Sarajevo, donosi rješenje broj: JN2-03-07-1-953-8/26 od 16.07.2026. godine kojim se žalba (djelimično) usvaja, te žalbom pobijana Odluka o dodjeli ugovora od 30.04.2026.godine poništava i predmet vraća ugovornom organu na ponovni postupak.

Postupajući u skladu s stavovima iz rješenja Ureda za razmatranje žalbi BiH broj: JN2-03-07-1-953-8/26 od 16.07.2026, komisija je izvršila ponovni uvid u ponudu ponuđača PPG d.o.o. Sarajevo čiju prihvatljivost je žalbom osporio RADIS d.o.o. Istočno Sarajevo, te ocijenila da predloženi Voditelj projektantskog tima/odgovorni projektant ponuđača PPG d.o.o. Sarajevo, ispunjava uslov u pogledu iskustva traženog u tenderskoj dokumentaciji tačka 12.4.1.b)., kako slijedi:

**1. Iskustvo u realizaciji najmanje 5 (pet) ugovora na uslugama projektovanja rekonstrukcije raskrsnica i/ili izgradnje cesta:**

- Idejni i glavni projekt autoceste Mostar sjever-Mostar jug- u kojem je predloženi Voditelj projektantskog tima/odgovorni projektant, imao položaj projektant saradnik, nije niti osporen žalbom RADIS d.o.o. Istočno Sarajevo, te po ocjeni ugovornog organa zadovoljava uslov u pogledu iskustva traženog u tenderskoj dokumentaciji tačka 12.4.1.b) ,

- Konsultantske usluge za izradu idejnog projekta sa elementima Glavnog projekta Tunel Prenj - u kojem je predložen Voditelj projektantskog tima/odgovorni projektant, imao položaj projektant saradnik, po ocjeni ugovornog organa zadovoljava uslov u pogledu iskustva traženog u tenderskoj dokumentaciji tačka 12.4.1.b). Ova referenca biografije (CV-a) osporena je žalbom RADIS d.o.o. Istočno Sarajevo, te je žalbeni navod u odnosu na ovu referencu rješenjem Ureda za razmatranje žalbi BiH broj: JN2-03-07-1-953-8/26 od 16.07.2026. godine, ocijenjen kao neutemeljen, tako da zadovoljava uslov u pogledu iskustva traženog u tenderskoj dokumentaciji tačka 12.4.1.b),
  - Izrada projek.dokument.-Glavni projekt: sanacija mosta M5 preko rijeke Miljacke, Dariva, M5, dionica Stup-Vijećnica km 10+390- u kojem je predložen Voditelj projektantskog tima/odgovorni projektant, imao položaj projektant po ocjeni ugovornog organa zadovoljava uslov u pogledu iskustva traženog u tenderskoj dokumentaciji tačka 12.4.1.b). Ova referenca biografije (CV-a) osporena je žalbom RADIS d.o.o. Istočno Sarajevo, te je žalbeni navod u odnosu na ovu referencu rješenjem Ureda za razmatranje žalbi BiH broj: JN2-03-07-1-953-8/26 od 16.07.2026. godine, ocijenjen kao neutemeljen, tako da zadovoljava uslov u pogledu iskustva traženog u tenderskoj dokumentaciji tačka 12.4.1.b),
  - Izrada projek.dokument.-Glavni projekt: sanacija mosta M5 preko rijeke Miljacke, M5, dionica Stup-Vijećnica-gr. Entiteta km 10+610- u kojem je predložen Voditelj projektantskog tima/odgovorni projektant, imao položaj projektant, po ocjeni ugovornog organa zadovoljava uslov u pogledu iskustva traženog u tenderskoj dokumentaciji tačka 12.4.1.b). Ova referenca biografije (CV-a) osporena je žalbom RADIS d.o.o. Istočno Sarajevo, te je žalbeni navod u odnosu na ovu referencu rješenjem Ureda za razmatranje žalbi BiH broj: JN2-03-07-1-953-8/26 od 16.07.2026. godine, ocijenjen kao neutemeljen, tako da zadovoljava uslov u pogledu iskustva traženog u tenderskoj dokumentaciji tačka 12.4.1.b).
- Ugovorni organ svoj stav u pogledu referenci biografije (CV-a) prednje navedene pod tač.1. alineja 2., 3. i 4. obrazložio ove odluke, obrazlaže činjenicom da je sa stanovišta projekta rekonstrukcije / sanacije/ projektovanja mosta / tunela potrebno obezbijediti kontinuitet i bezbjednost saobraćajnice, pa je u smislu projektovanja trase saobraćajnice nebitno da li se trasa nalazi u tunelu, mostu ili na otvorenom dijelu saobraćajnice, a svaka izmjena – prilagođavanje je rekonstrukcija trase puta.
- Usluge projektovanja za izradu investiciono/tehničke dokumentacije LOT 3 Glavni/izvedbeni projekt za rehabilitaciju R 960 Gornja Grkarica-Babin Do-Šabići, Sinanovići-prema Konjicu- u kojem je predložen Voditelj projektantskog tima/odgovorni projektant, imao položaj odgovorni projektant za trasu, po ocjeni ugovornog organa zadovoljava uslov u pogledu iskustva traženog u tenderskoj dokumentaciji tačka 12.4.1.b). Ugovorni organ svoj stav u pogledu ove referencije biografije (CV-a) obrazlaže činjenicom da u praksi rehabilitacija saobraćajnica vrši se kroz intervenciju na kolovoznoj konstrukciji i elementima trupa puta. Pri obnovi asfalta najčešće je potrebno uraditi i konstruktivno ojačanje, geometrijske korekcije u granicama putnog zemljišta, eventualnu nadogradnju i modernizaciju sistema odvodnje puta. U ovom postupku vrši se i zamjena odnosno izrada i postavljanje nove horizontalne i vertikalne signalizacije. Svi naprijed navedeni elementi rekonstrukcije se nalaze u projektu rehabilitacije saobraćajnice. Znači, u projekat rehabilitacije uključen je i projekat rekonstrukcije, kako bi se saobraćajnica dovela na zahtjevani nivo kvaliteta odvijanja saobraćaja. Ova referenca osporena je žalbom RADIS d.o.o. Istočno Sarajevo, te je žalbeni navod u odnosu na ovu referencu rješenjem Ureda za razmatranje žalbi BiH broj: JN2-03-07-1-953-8/26 od 16.07.2026. godine, ocijenjen kao neutemeljen, tako da zadovoljava uslov u pogledu iskustva traženog u tenderskoj dokumentaciji tačka 12.4.1.b). U vezi referencije iz ove alineje, nije od značaja što je predložen Voditelj projektantskog tima/odgovorni projektant imao položaj u ugovoru odgovorni projektant za trasu, jer isti dokazuje zahtijevano iskustvo na uslugama projektovanja rekonstrukcije raskrsnica i/ili izgradnje cesta.

**2. Iskustvo u svojstvu voditelja projektantskog tima/odgovornog projektanta na projektovanju najmanje 2 (dva) glavna projekta rekonstrukcije raskrsnica i/ili projekata izgradnje cesta:**

- Projekt tekućeg održavanja i modernizacije dijela objekta i vanjskog uređenja kasarne Envera Šehovića, Semizovac, FAZA I u kojem je predložen Voditelj projektantskog tima/odgovorni projektant, imao položaj odgovorni projektant za saobraćajnice, po ocjeni ugovornog organa zadovoljava uslov u pogledu iskustva traženog u tenderskoj dokumentaciji tačka 12.4.1.b). Ugovorni organ svoj stav u pogledu reference biografije (CV-a) iz ove alineje obrazlaže činjenicom da iz opisa navedenog projekta, proizilazi da je predložen Voditelj projektantskog tima/odgovorni projektant, izradio i glavni projekat unutrašnjih saobraćajnica, kojim se predviđa sanacija dijela unutrašnjih

saobraćajnica. U praksi i teoriji građevinarstva pojmovi sanacija i rekonstrukcija ne mogu se posmatrati kao odvojeni procesi. Svaki proces sanacije ima i elemente rekonstrukcije. U ovom slučaju radi se o sanaciji saobraćajnice, npr. potrebno je uraditi sanaciju kolovoza zbog pojave pukotina na kolovozu. Da bi se to učinilo potrebno je zamijeniti najmanje slojeve gornjeg i donjeg nosivog sloja puta što predstavlja radove rekonstrukcije. Znači rekonstrukcijom puta je izvršena njegova sanacija. Ova referenca osporena je žalbom RADIS d.o.o. Istočno Sarajevo, te je žalbeni navod u odnosu na ovu referencu rješenjem Ureda za razmatranje žalbi BiH broj: JN2-03-07-1-953-8/26 od 16.07.2026. godine, ocijenjen kao neutemeljen, tako da zadovoljava uslov u pogledu iskustva traženog u tenderskoj dokumentaciji tačka 12.4.1.b).

- Glavni projekt pristupne saobraćajnice naselje Jošanica, Vogošća u kojem je predloženi Voditelj projektantskog tima/odgovorni projektant imao položaj odgovorni projektant za trasu, te je time ispunjen uslov u pogledu iskustva zahtijevanog tač.12.4.1.b) TD, s obzirom da se radi o glavnom projektu pristupne saobraćajnice naselje Jošanica, Vogošća/. Ova referenca osporena je žalbom RADIS d.o.o. Istočno Sarajevo, te je žalbeni navod u odnosu na ovu referencu rješenjem Ureda za razmatranje žalbi BiH broj: JN2-03-07-1-953-8/26 od 16.07.2026. godine, ocijenjen kao neutemeljen, tako da zadovoljava uslov u pogledu iskustva traženog u tenderskoj dokumentaciji tačka 12.4.1.b).

Na osnovu prije navedenog, formirana je konačna rang lista:

| R. Br. | Naziv ponuđača                | Cijena ponude bez PDV-a, KM | Ponuden i popust (% ili KM) | Cijena ponude s popustom (bez PDV-a), KM | Cijena ponude s popustom (s PDV-a), KM |
|--------|-------------------------------|-----------------------------|-----------------------------|------------------------------------------|----------------------------------------|
| 1.     | PPG d.o.o. Sarajevo           | 6.249,60                    | /                           | 6.249,60                                 | 7.312,03                               |
| 2.     | RADIS d.o.o. Istočno Sarajevo | 7.600,00                    | /                           | 7.600,00                                 | 8.892,00                               |
| 3.     | ROUTING d.o.o. Banja Luka     | 7.880,00                    | /                           | 7.880,00                                 | 9.219,60                               |
| 4.     | IG d.o.o. Banja Luka          | 7.897,50                    | /                           | 7.897,50                                 | 9.240,07                               |
| 5.     | ARTING BH d.o.o. Sarajevo     | 8.181,00                    | /                           | 8.181,00                                 | 9.571,77                               |

Komisija za nabavke je predložila Upravi da ugovor, za nabavku usluga: Projektiranje – Izrada glavnog projekta: Rekonstrukcija raskrsnice magistralne ceste M5\_013 i lokalne ceste, km 18+330, naselje Torlakovac, općina D.Vakuf dodijeli ponuđaču PPG d.o.o. Sarajevo koji je dostavio prihvatljivu ponudu s najnižom cijenom u iznosu od 6.249,60 KM bez uračunatog PDV-a, odnosno 7.312,03 KM sa PDV-om, te je riješeno kao u dispozitivu.

#### Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Direktor

Ljubo Pravdić, dipl.ing.grad.

Dostaviti:

- Ponuđačima (sa dostavnicom)